



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus IV. Super quibus rebus compromitti possit?

[urn:nbn:de:hbz:466:1-73031](#)

cordes in electione tertij, Zoësius hic
nu. 6.

Rem declarat casus in dict. c. 12. deci-
sus. Nam, cum inter Guilielmum, &
Ottонem, Laicos, controversia esset super
quadam pecuniae summa, Papa eam qui-
busdam Judicibus commisit; qui cum in
causa procederent, denique partes in duos
Arbitros compromiserunt, eam formam, ut,
si ipsi discordarent, Judices delegati ter-
tium ipsis Arbitrium adjungerent, reten-
ta penes se potestate, partes ad Arbitrii
observationem compellendi.

Et ita quidem factum, ut cum duo illi
convenire non possent, tertius ipsis adjun-
ctus fuerit, qui, cum eorum altero con-
sentiens, contra unum compromittentium
sententiam tulit. Et cum Judices illi de-
legati eum ad observationem compellere
vellent, is se gravari sentiens, ad Sedem
Apostolicam appellavit; sed Judices ap-
pellatione non obstante, excommunicationis
tententiam in eundem tulerunt; his in-
tellectis respondit Gregorius IX. si ita res
se habeat, excommunicationis istam sen-
tentiam declarandam esse irritam, et quod
Caesareis legibus decretum sit, ut com-
promissum de assumenda persona incerta,
nullius roboris sit.

2754. A dictis tamen excipe, nisi determina-
te nominata sit persona tertia in casum dis-
sensus; quia tunc cessat vitium *incerti-
tudinis*; gl. in cit. L. 17. §. si in duos; vel
tertia persona nominetur a Judice; ne cau-
sa maneat indecisa, cit. L. 17. §. Princi-
paliter; & secundum hoc intelligitur c.
61. de appell. & c. 39. de offic. Jud. deleg.
prout habetur in c. penult. h. t.

2755. Not. 3. Arbitrum, post rem judicatam,
super discordijs novis assumptum, non
posse per suum arbitrium sententiam im-
mutare, licet de componendo inter par-
tes mandatum acceperit a Papa, nisi in re-
scripto mentio fiat *rei judicata*, c. 11. h.
t. & Barb. ibid: n. 1. & 2. Et sic statuit
Honорius III. ut liquet ex seq. casu. Nam,
cum inter Episcopos Feltrenensem, & Be-
luenensem ex una parte, & cives Tervi-
finos ex altera parte, controversia esset su-
per districtu, & quibusdam aliis rebus;
ea per Episcopum Hostiensem, Aposto-
licae Sedis Legatum, terminata fuit. Sed
postea aliis exinde ortis discordiis, partes
compromiserunt in *Ducem Venetorum*,

obsidibus ab utraque parte datis. Sed &
Papa Honorius III. eidem Duci per literas
mandavit, ut partes componere curaret:
at, cum Dux a Legato *ante a latam senten-
tiam immutare ausus esset*, rescriptum Ho-
norius, intentionis sue non fuisse, ei com-
mittere, ut controversias, *lata per Lega-
tum sententiâ* sotipas revocaret; quare
mandat quibusdam a se delegatis, ut non
obstantibus prioribus literis suis, quæcum-
que per Ducis arbitrium *adversus Legati
sententiâ* decreta esse invenerint, *in irri-
tum revocent*, ac directe prohibeant Duci,
ne ulterius in compromesso procedat,
eundemque ad restitutionem obsidum,
quos ad compromissi observationem stabi-
liendam acceperat, per censuram Ecclesi-
asticam compellant.

ARTICULUS IV.

Super quibus rebus compromitti possit?

R Esp. compromissionem fieri posse su-
per quavis causa; nisi in alicuius
præjudicium cedat. Hinc Ecclesia exem-
pta, sine licentia Papæ, cuius vertitur præ-
judicium, non compromittit *super exem-
ptione*, c. 5. h. t. Ortis enim controversiis
inter Abbatem de Pigravia *ex una parte*,
& Episcopum Mersperensem, & dicti
Abbatis Monachos quosdam ex altera par-
te, super iis, fide invicem data, a partibus
compromissum fuit in Archiepiscopum
Magdeburgensem, tanquam Arbitrum:
præcipit Innocent III. ut arbitrium, seu
laudum Archiepiscopi observetur, *q̄s ex-
ceptis capitulis, q̄a contra libertatem, &
exemptionem Monasterij, ac Capellarum
ejus in arbitrio expressa fuerunt*. Nam
tametsi Abbas ultrò velle; tamen nequa-
quam posset absque Romani Pontificis li-
centia renuntiare privilegijs, ac indul-
gentiis; quibus indicatur, Monasterium
illud ad jus, & proprietatem Ecclesiarum Ro-
manarum pertinere.

Præter hæc not. 1. compromitti non
posse super causa *criminali*, vel *matrimo-
niali*, c. penult. 9. §. in *matrimoniali*, de
integr. restit. nec super causa libertatis, &
reliquis, de quibus jam supr. Not. 2. si
Judices delegati non possint convenire *in
dubio sue jurisdictionis*, Arbitros super ea
materia eligendos esse, ut dicitur in c. pa-
stora-

floralis, 14. de rescript. ibi: quod si inter se non consentiant, hoc casu (tametsi plures sint Judices ex una parte delegati, quam ex altera parte) communi partium litigantium consensu Arbitri eligendi sunt, qui controversiam hanc definiant, videlicet, an ad priores, an ad posteriores Judices cognitio pertineat?

Not. 3. si Judex recusetur, eligendos esse Arbitros ad causam recusationis cognoscendam, nisi ea in jure expressa, aut alias notoria sit; aut recusatio manifeste injusta, & frivola; ita statutum est in c. suspicionis, 39. de offic. Jud. delegat.

Quidam enim Judex, ut dicitur loco cit. à Reo, ut suspectus recusatus erat. Ad causam hanc suspicionis cognoscendam Arbitri à partibus electi sunt: sed dubitabatur, utrum Judex recusatus Arbitris terminum præfinire possit, intra quem cognoscere debeant? Respondit Greg. IX. quod non possit; cum ipse in hac causa suspectus sit, ne forte noceat; sed ipsimet Arbitri partibus terminum ad probatoines suas afferendas statuere, sicut & alia omnia agere debeant, quæ ad hunc suspicionis articulum spectant. Verum Judex delegatus (cui unà cum jurisdictione, reliqua etiam, sine quibus ea exerceri nequit, commissa censentur) Arbitros compellere potest, ut vel concordent in eadem sententia, vel tertium Arbitrum advocent, cum quo unus, vel ambo consentiant, ne alioquin causæ principalis definitio plus justo differatur.

2758. Not. 4. et si, cum recusatur unus Judex ex duobus delegatis à Papa cum clausula: quod si ambo non possunt, unus in causa procedat, Judex non recusatus debet cognoscere de justitia causæ recusationis; si tamen careat eā clausulā, recursum esse ad Arbitros, ut hi cognoscant super ea. Sic Bonifacius VIII. in c. si contra, 4. de offic. Jud. delegati in 6. Not. 5. si unus ex duobus delegatis totam causam alteri collegæ suo subdelegavit, & hic (subdeleganti propositis ante partium citationem probationibus) tanquam suspectus ab illis recusetur, subdelegantem de causa recusationis posse cognoscere, juxta c. super questionum, 27. Q. Porro, de offic. Jud. deleg. ubi tamen nota, nos non dicere in dato casu posse ad subdelegantem appellari; sed tantum causam recusatio-

nis cognosci. Nam appellatio fieri debet tunc ad Papam; ad subdelegantem autem solùm, si non totam causam subdelegavit, ut dicitur in cit. Q. Porro.

Not. 6. Si inter Episcopum, & Clerum controversia sit in causa civili, Arbitros ex partium consensu pro ejus cognitione constituendos esse, per 11. q. 1. c. si Clericus, 46. ibi: si fuerit negotium ipsius Episcopi, apud Arbitros ex utraque parte electos, audiatur negotium; sic Concilium Chalcedonense c. 9. Not. 7. quod, et si Arbitr non possit restituere in integrum; si tamen in causam ipsi commissam incident quæstio restitutionis in integrum, posse illam ratione compromissi decidere determinando, an, necne à Judice petenda sit; sic Layman in c. causa, 19. de in integr. restit. n. 8. & constat ex ipso c. causa, ubi dicitur, restitutionem in integrum peti debere à Judicibus ordinarijs, administrationem habentibus, vel ab eorum delegatis; sive causa restitutionis ipsis specialiter delegata sit; sive ea in commissam controversiam incidenter veniat: at verò delegatos à Judicibus ordinarijs, qui non administrationem, sed simplicem jurisdictionem habent, sicuti & Arbitros, de causa restitutionis cognoscere non posse, nisi incidenter.

Not. 8. quamvis Arbitri eligi non possint, qui arbitrentur super exemptione Ecclesiæ, vel Monasterij, ut diximus supra; posse tamen definiri per eos controversiam de capella, seu Parochia, utrum pleno iure incorporata, seu subjecta sit tali Monasterio? ut colligitur ex c. cum olim, de Præscript. & Abbat. ibid. n. 8. Not. 9. coram Arbitris non esse locum reconventioni, nisi sint Arbitri juris. Nam, ut refertur in c. dilectus, 6. h. t. cum Reus in iudicio conventus Actorem coram eodem Judice reconvenire possit, c. 1. & 2. de mutuis petition. videbatur, quod idem etiam in arbitrio locum habeat: sed Innocent. III. neganter respondit; propterea, quod Arbitri de iis tantum judicare possint, super quibus in ipsis compromissum fuit.

Not. 10. discordiam in causa electionis per Arbitros terminari posse, in ordine ad compromittentes, non autem confirmatorem, cui præjudicari non potest. Ratio sumitur ex decisione Honorij III. in

c. cx

c. ex parte, 10. h. t. Cùm enim Canonici Ecclesiae S. Cuniberti in discordia eligerent, alij quidem Henricum de Juliaco; alij vero, Conradum de Lombardia; duo isti curarunt compromissum fieri in Archiepiscopum Colonensem: is causæ meritis, diligenter auditis, ac perspectis, diem partibus designavit ad sententiam definitivam ferendam. Interea autem moritur Henricus; quo auditio Archiepiscopus prohibuit Canonicis, ne pendente suâ sententiâ, ad aliam electionem procederent; sed aliqui non obtemperantes, Beatum, Canonicum Colonensem elegerunt.

Igitur, cùm die constituto in præsentia partium compromittentium sententia ferri deberet, Beatus ille electus venit, & allegavit ulterius procedendum non esse; cùm per Henrici mortem compromissum finitum fuerit. Super hac re consultus Honorius III. respondit; tametsi compromissum morte Henrici finitum fuerit, tam de prioris electionis meritis cognosci prius oportuisse, quam procederetur ad secundam: quandoquidem, si Conrado superstiti jus competit ex electione, satis constat, posteriorem penitus non valete.

Ex hoc c. colliges præterea, Arbitrum, suam sententiam in præsentia compromittentium pronuntiare debere, & quidem intra tempus ipsi à partibus constitutum; alias exspirat compromissum, nisi temporis prorogatio Arbitro concessa sit. Colliges 2. duobus in discordia electis, morte alterius, vel renuntiatione, aut causâ eidem abjudicata, procedi ad electionem novam non posse, nisi finita lite super iure coelecti superstitis. Colliges 3. si in Ordinarium super causa electionis compromissum est, morte unius compromittentium finiri compromissum, non autem jurisdictionem ejus ordinariam; constat ex c. 10. supr.

ARTICULUS V.

De sententia; seu pronuntiatio Arbitri.

Solam Arbitrorum juris pronuntiatiōnem; seu arbitrium, esse propriè sententiam, constat ex dictis; reliquorum autem, arbitramentum, vel laudām, ut diximus n. 2743. olim ex arbitrio non erat actio, nisi intervenisset stipulatio de

Tom. I.

Nn nn

Not. 2.

stanto arbitrio sub pœna, quæ petebatur; vel si simpliciter conventum est sententiæ stare, erat actio incetti; L. 27. ff. b. postea verò ex sententia Arbitri homologata (id est, expressè vel tacitè per silentium 10. dierum comprobata) data est actio, & exceptio, L. pen. C. h. t. Et hoc procedit etiam de jure Canonico, si arbitrium, peccatum, quod à partibus remitti nequeat, non continet, modo servati sint fines, & forma compromissi, c. non sine, 2. b. tit. ubi hoc confirmatur sequenti casu.

Robertus Archidiaconus in Ecclesia S. Alphredi Sacellatum instituit Alanum: mortuo Roberto nepos ejus (ex fratre) Marcus, qui Roberto successerat, Alanum denuò instituit, seu potius confirmavit: sed postea multis eum exactionibus indebitis grayavit; ac dēnique Capellaniā cedere voluit, promissis ei quinque marchis argenti pro annua pensione; sed cùm Alanus mortem gerere nollet, eum Capellaniā spoliavit.

Cum verò Alanus exūl justitiam obtinere non posset, nec suam ulterius inopiam sustinere, Marcus per fraudem extorsit à dicto Alanu, ut juratus consentiret in duorum Clericorum super hac re arbitrium. Hi Marco faventes iusserunt, ut acceptis quinque argenti marchis, lite, ac jure suo cederet. His intellectis mandavit Alexander III. Archiepiscopo Eboracensi, si cognoverit, dictos Clericos, tam nequiter arbitratos esse, Presbyterum Alanum, ab observatione juramenti, Apostolica autoritate, absolvat: sin autem arbitrium, seu latidum illorum æquum esse intellexerit, utramque partem ad ejus observationem, postposita appellatione compellat.

Not. præterea, sententiam, ab alijs prolatam post mortem unius ex Arbitris assumptis; non tenere per c. 10. h. t. intellige, si constituti sint, ut arbitrentur simul; nec etiam si prius moriatur unus compromittentium. Compromissio enim non extenditur ad heredem, nisi aliud sit cauatum. Nam compromissum est transactio; Barb. in c. 11. h. t. n. 6. nec transit ad successores, vel heredes compromittentium; & morte etiam unius compromittentium finitur. c. fin. h. t. nisi expressa fiat mentio de illorum successoribus, vel heredibus.